

峒之遠甸咄嗟不盡千歲心他日須讀西域傳嗚呼材大氣雄骨愈老此行功業非草草吞風早度玉門關功成頭曰奉恩還

五羊水驛再送鄉人朱元珮

前人

絲絲烟雨春江濕五羊水驛官船集醉來愁聽櫂歌聲歲晚交投誰者益結交恨少千黃金多年空受嶺雲侵南風吹船船去速建康之水何深沉與子把袂扶胥口手剪春衣爲母壽自言老住尉佗城吞聲折斷江邊柳江靈倒泣海塵飛杜宇新啼歸不歸浮萍落絮爭如此那問燕京一布衣君不見長嶽雲昭陵樹金魚幾夜悲秋雨崖門自古

難行路負母携兒催日暮蕭蕭白馬周原賦夢回失却淮南渡

刺史萬公七里河泛舟

彭始起 州人

時甲戌歲夏又五使君招泛湍河舟六門堤邊初放眼曲
岸回汀景已幽賓從少長咸俱集頻看簫鼓起中流漁人
舉網深潭下三十六鱗匕箸羞使君觴客客傳觴臂鞞喧
騰六博投千鍾能嚼不辭醉河朔有如此飲不移時維纜
綠楊畔七里之湄古渡頭古渡綠楊萬樹稠天風颯颯海
濤秋油幕高懸筵四開琵琶競奏雜箜篌三絃促刺偏剝
聳能令聽者消煩憂歡場竟日忘長日紅日沉沉波面浮

使君與劇情未已手持弓發抗大侯分曹比耦黃間發鼓
音不絕交錯酬歸來帶得河邊月七里河邊歸帶月范文正句也還勝昔
人秉燭遊

拜鐵公祠輯碑文增入志詩以紀之

彭始超

州人

妖僧竄入北平邸黃瓦白帽大王喜視彼蜉蟻若江南
費籌度兩日爾城頭木主書高皇鐵板下之不能死真龍
蹕跳金川門小子無知何至此截耳劓鼻一顧難寧甘合
族磔東市同時死者多轟烈或爲公義競激起帝權能行
十族誅不能禁此百世祀我今翦棘讀殘碑手撫遺文光
乘史感公徃事三嘆息天道盈虧相移倚長陵松栢久爲

薪尙書俎豆猶珂里

睢陽故里

李鴻州人

君不見當年吾鄧張睢陽虬鬚挺軀七尺長左手把筆右
彎弓喧赫事業著旂常憶昔天寶俶亂時宋曹等郡勢披
靡爾時起兵誓討賊與衆痛哭立元祠承制經畧竟以東
天子畫像朝行宮手屠六將士心勸嚴疆守戰樹奇功寧
陵路絕厄軍糧三千羸卒保睢陽經年置食困危城殺妾
那顧兒女情鼠已掘盡雀已羅援兵不至奈天何西向再
拜惟一死孤臣力竭心已矣獨撐半壁遮江淮天下不亡

功在此

鐵公祠

睢陽張公並祀

姚之琅

病虎入燕燕王反迂儒謀國薦景隆百萬天兵一朝破乳
臭之將走山東勢成破竹意氣盛揮鞭疾走無堅墉濟南
叅政智且勇獨挺忠義扶蒼穹鐵板驟下馬首碎如椎副
車驚祖龍攻具已焚礮不發堅守三月燕技窮轉戰東昌
張玉死褫魄卽在兩日中從此改道下徐沛敗將開門屠
群忠就中最烈惟我公背立殿陛髮上衝穿齧裂背不反
顧肉甘一任寸磔空沸鼎炊骨鐵叉舉公面未轉浩氣冲
濺油飛火內侍泣兩手糜爛代皇躬精魂直上駕飛龍長
揖睢陽還舊邦至陽招陟帝左右血食下土長無終蒼天

王氣鍾鄧土睢陽與公千載同明社已遷祠不廢封羊奠
醴鳴鼓鍾嗚呼病虎亦知讀書種子不可絕忍使忠臣族
族紅

謁鐵公祠

在州大東關以
張睢陽並祀

蔣光祖

穰城之左傍東鄙古祠高樹獨徙倚我來拜登心拱肅忠
烈名傳鐵公是北平帝子窺神州靖難兵揮若颺起濟南
屏幃蔽江南阻遏其勢公獨駛高皇木主墜城頭鐵板下
之幾披靡舍之而去扼金陵肝胆不遂爲切齒勁骨百折
不可回屈令一顧難爾爾剗鼻截耳甘如飴鼎沸灰飛烈
猶矢忠精赫赫雷行空地老天荒公不死枯木寒鴉幾夕

陽古廟遺容儼尺咫瞻拜恍惚見
羹墻壁壞垣頽精未圯
燕王富貴安在哉故宮禾黍而已矣
更有睢陽同廟食勝
國李唐美相比二公皆鄧產忠烈相
同真勅敵也梓里位置成天然俎豆
交輝同山峙

桃花洞閒步看雲過雙栢杪

蔣光祖

半檐雲脚風吹斷桃花洞口飛片片
獨步空庭意孑然自
識浮蹤多聚散古栢蒼蒼臨風前
風雨不動幹彌堅君不
見雲去雲來常如此此老勁骨欲參天

閨清和月查點牌甲住北城之黑龍集
終夜大雨如

注枕上放歌

蔣光祖

小麥將枯大麥黃
昫昫需澤皆有之
南東其畝待霑足
雨潤未徧嫌參差
忽得甘霖終夜沛
東傾西注縱橫宜
盈溝灌澮溪聲遠
迸漏關更客夢癡
悠然動我思江郭
方塘漲水圍書閣
黃梅青草吟佳句
洗我俗塵萬斛惡
令宵枕上矢歡歌
遮莫鄉闕企前約
眼前且爲喜雨吟
墨蘿布澤珠錯落

五言律

冬月宴于庶子宅

唐岑文本

州人

金蘭篤惠好樽酒
暢生平旣欣投轄賞
暫緩望鄉情愛景
含霜晦落照帶風
輕於茲歡宴洽寵辱
詎相驚

饒唐州高使君赴任

唐岑羲州人

蒼茫南塞地明媚上春時目極傷千里懷君不自持征車
別岐路斜日下崦嵫一歎輶軒阻悠悠卽所思

奉和九日登慈恩寺浮圖

前人

寶臺聳天外玉輦步雲端日麗重陽景風搖季月寒梵堂
遙集鴈帝樂近翔鸞願獻延齡酒長承湛露歡

過樂鄉

唐陳子昂

故鄉杳無際日暮且孤征川原迷舊國道路入邊城野戍
荒煙斷深山古木平如何此時恨噉噉夜猿鳴

晚入沐河

唐崔灝

昨晚南行楚今朝北泝河客愁能幾日鄉路漸無多晴景
搖津樹春風起棹歌長淮亦已盡寧復畏湘波

林卧

唐岑參州人

偶得魚鳥趣復茲水木涼遠峯帶兩色落日搖川光白中
西山藥袖裏淮南方唯愛隱几時獨遊無何鄉

酬崔十三侍御登玉壘山思故園見寄

前人

玉壘天晴望諸峯盡覺低故園江樹北斜日嶺雲西曠野
看人小長空共鳥齊山高徒仰止不得日攀躋

詠郡齋壁畫片雲

前人

雲片何人畫，塵侵粉色微。未曾行雨去，不見逐風歸。只恁偏凝壁，回看欲惹衣。丹青忽借便，移向帝鄉飛。

和張二自穰縣還途中遇雪

唐孟浩然

風吹沙海雪，漸作柳園春。宛轉隨香騎，輕盈伴玉人。歌疑郢中客，態比洛川神。今日南歸楚，雙飛似入秦。

闔笛

唐張巡州人

峇峩試一臨，虜騎俯城陰。不辨風塵色，安知天地心。門開逐月近，戰苦陣雲深。旦夕更樓上，遙聞橫笛音。

木芙蓉

唐韓愈州人

新開寒露叢，遠比水間紅。艷色寧相妬，嘉名偶自同。採江

秋節晚舉木古祠空須勸勤來看無令便逐風

咏龜

唐趙宗儒
州人

有靈堪託夢無心解自謀不能著下伏強從蓮上遊負圖
非所異支牀空見白儻蒙一曳尾當爲屢迴頭

湟陽館

唐賈島

客愁何並起暮送故人迴廢館秋螢出空城寒雨來夕陽
飄白露樹影掃青苔獨坐離容慘孤燈照不開

與季申信道自光化復入鄧書事

宋陳與義

再來生白髮重見鄧州春依舊城西路桃花不記人卜居
得與卷月色滿窻新微吟驚士卒獨鶴語城闌

月觀追和鄧州相公席上韻

金元好問

月觀知名舊池亭發興偏露涼驚夜鶴風細咽秋蟬綠泛
兵厨酒紅依幕府蓮無緣逐清景空羨飲中仙

過湍河

前人

石門歸馭引湍浦漁舫並曠蕩萬景新歸藏四山靜平湖
風漪綠遠岸秋沙淨洋洋遊魚逝汎汎輕鷗泳

送宿衛將出守鄧州

明高啓

中郎身領仗宿衛在承明舊射雙鵬落新乘五馬行紅雲
遙魏闕白水近穰城好勸諸年少春來賣劍耕

百花洲

明何海晏

水曲分杯土洲前繞百花短橋通徑竹深樹隱漁家地古
風煙寂時豐草木華何當乘夜月艤艇醉流霞

宛西多樂地好是百花洲市近通新酒蘆深狎野鷗溪流
侵淺碧隰草藉豐柔日暮重回首能無范老憂

郡齋瑞雪

明潘庭楠知州

久苦旱雲賦今忻瑞雪篇五花傳帝澤層玉及私田細灑
看無極勻霑卜有年瓣香呼赤子萬祝向堯天

棘陽城

明李蓑

病體秋能減幽思野倍清獨尋古穰道來上棘陽城樓迥
高風度沙寒宿霧平却思古申伯千載尚隆名

百花洲

前人

寥落百花洲名緣范老留登臨餘蔓草樽俎到荒邱平野
蒼雲壓高林紅葉稠晚風吹轡急歸興颯新秋

送家鑑弟南歸

明李永茂
州人

誰共千秋事天涯弟與兄報君磨古劍勵志請長纓馬首
歸程遠雁行別緒縈故園刁斗急珍重少年行

東郊看桃花

陳丹
知州

並轡東臯去行行日竟斜鴉藏污柳色馬汗染桃花村酒
野人醉出籠只首賒忽然成獨返翻覺嬾還家

獨酌桃花下頽然竟日留花香心欲醉吏俗願難酬不負

歸途便何殊特地遊希文多惠政今始頌芳洲

狄陂寺

彭而述

我聞王太守弱冠治穰州召杜人空往河渠書尙留額垣
馳黠鼠老衲餽黃牛寂歷前朝事佛圖片石頭

城頭春霽

前人

雪霽纔今日烟光只去年饑鳥留禿樹乾雀窺葑田百里
山川迥一城簫鼓闐可知此夜月應較往時圓

孤塔回晴幕一尊入晚霞關山憐斷雁原陘散歸鴉勝事
催花鼓幽心起暮笳行年空老大蹉跎問春華

冠軍城

前人

舊封傳戚里知是漢家侯五劇蓬蒿滿一村薜荔秋江山
存石馬風雨入鵝鶴莫問臨湍縣黃沙古渡頭

張村寺

前人

疋馬逢秋霽殘磚入廢廬土垣餘茂草山堡見桑田魑魅
馮人嘯麒麟傍塚眠商飈吹不極落葉滿晴川

鐵鍋

前人

是日來西郭春風盪馬頭高臺惟見寺老樹但呼鳩土蝨
前朝鼎城傳故國侯湍流還無恙浴鷺滿平洲

和刺史陳公東郊桃花韻

萬會極州人

林野霞屯樹郊行眼可留况高詩足寫境勝酒能酬愧我

孤幽賞羨君獨快遊涅陽春色滿處處百花洲

寄懷鄧州彭三中郎彭五直上兼憶彭二仲亮寧遠

禹峯方

伯子

王士禛

舊識中郎美新高第五名中原傳二妙故國繼三甥皂帽
遼東客青山宛葉情羨君名父子家本冠軍城

花洲霖雨

八景詩

萬

愔

知州

山川尋舊蹟車騎引城闔蔓草披風岸春華憶水濱股肱
作汝后娛樂與同民歌伏殘碑在高山望古人

鐵祠春煙

瓦礫餘顏祠脚躡戀廢墩思生春草碧悽與暮雲屯報國

空心赤全身失主恩千秋羸伏臘可以慰忠魂

金山浮翠

宋狀元賈龜年讀書於此

趨麓爲城足登臨不厭頻楓林霜早落山色雨餘新石壁
留空洞韋編斷古人天人拙有獻甲乙愧難倫

禹廟晴嵐

欲謁峯巔祠垂簾高可攀平成天地業肅穆古王顏溪谷
風雲徹人家蒼翠間遺民慚易化接盼更湯山

湍水漁舟

源水出熊耳東來遶鄧城晴隨烟雨斂漁趨野航橫衍沃
誰新戶隰臯問舊氓四封饒景物秋斂省春耕

六門返照

逶迤連郊垆殘堤壁湍渠樹高牽落日沙淺睡王睢歲月
成衝決坡塘罷耨鋤敢沒召杜澤興廢幾躊躇

紅崖勝槩

見說州西境紅崖刁水灣谷山奇羽翮梁迴漫潺湲夕磬
松風落朝霞僧寺間年豐期戶足道者往俱還

竹洞禪關

韓文公嘗遊
息於此有詩

門靜簷楹廠風塵偶住騎香烟攤梵偈泉水貢繡衣千里
文章伯流傳竹洞詞每逢各勝地輦效漫題詩

張睢陽故里

黃之琮

周南容跋涉故蹟每與懷天寶揖兵亂中丞率義儕三旬
炊鼠雀數旅障江淮夕颺吹桑梓蕭蕭湍水涯

先公廟祀禮成

李鴻州人

夜色瞻庭燎悽然感履霜新恩出異代公道在同鄉姓字
春秋重蘋蘩歲月長儀型慙繼述灑涕見羹牆

關元寺喜晤兩謂上人

前人

百粵飄蓬客三湘故國悲豈言經喪亂尙爾識鬚眉感慨
餘今日風塵念昔時獨憐先相國曾此下書帷

送青丘北上

彭氏李鴻妻

六上長安道知君此別難山川日以遠雨雪天將寒紅淚

頻沾袖清光獨倚闌莫牽兒女戀早晚慎加餐

秋夜

黃而輝

葉落秋風夜燈孤萬里情遠鐘搖客枕歸夢識鄉城斜月
依依影寒蛩切切聲愁腸已斷盡心事未能平

春晚

前人

寂寂春將晚他鄉客思生如何花裏聽不見杜鵑聲遣興
杯中物還家夢裡程東風吹霧暗日色半陰晴

雨漲

前人

卮酒無相對雨聲多助秋三更長到枕一月罷登樓濕蘚
黏書帙危欄下釣鈎怪來門逕裏蕩漾有沙鷗

看劍

黃而炳

匣裏青萍劍沉埋四十秋蚤從歐冶製未繫單于頭灼灼
寒光燦頻頻寶氣浮不才明主棄將欲化龍遊

棘陽秋興

李盛燿

州人

九月登高望川原爽氣浮白蘋千里浪紅葉一天秋地僻
疎嬾名微免應酬問裁籬菊賦寄與鄭瓜州

過李文達公祖墓

李

柳州人

鈴閣何年閉隴崗尙有阡豐碑燕國撰遺笏魏家傳相業
垂千古恩綸錫九天長林抔土在不必問平泉

題吏目署竹軒

姚之琅

新齋結構罷移竹漸森森窻欲添朝色樽宜度晚陰此君

無俗韻雛鳳有清音

君兼於此課子

衙散閒敲句義皇自可尋

書李文定公傳

文定公事舊志諱真余讀

勅修明史如楊廷麟何騰

蛟瞿式耜皆有特傳蔣公今日表章正合其義因成一律

前人

鄧州賢刺史立意發幽光聞見辭多異搜羅我應詳 聖

朝褒節義信史表微茫細讀何瞿傳如公正雁行

癸酉夏杪迄秋禱雨拈求字口號二首

蔣光祖

揮汗火雲下炎蒸未覺秋憫茲六月雨

六月未得透雨

添此一心

愁湍水流將縮湯山澤未優西成急待命何以慰予求

禱祀情何切精誠愧未周多方祈帝澤畢力爲民謀優渥
靳維夏霑濡冀及秋齋心勤旦晚共矢此勤求

七月下旬得兩次前韵二首

蔣光祖

忽得甘霖沛猶欣傍孟秋正如逢舊雨遂獲解新愁履畝
觀方渥採風泳旣優昊天有豐澤幾見靳祈求

脉脉如麻下淋漓四野周劇憑雲雨望耑爲稻梁謀誰謂
傷無稼仍云慶有秋西郊羣禱處

予做虞邑遵古制設五方龍神竭誠求之而應

不負此勤求

隨巡憲張大參查邊境住孟家樓

蔣光祖

巡邊隨大吏副乘卽偕遊荆豫西南界

孟家樓與光化接壤在州西南境

陰晴信宿苗

時忽晴忽陰

囂聲野外遠塵跡夢中浮更喜尨無

吠豐年樂有秋

雨阻孟家樓仍用前韵

蔣光祖

愁霖刻刻具值此滯偕遊野外麤官駐邨中貴客苗

謂張大參

涵檐渾斷續飛瀑急沉浮竚禱日車現三農望九秋

至壘溝午間喜見日色

蔣光祖

脉脉秋霖慣癡雲幕四圍晴霞忽晝見喜色便習飛翠爽

嵐光發風高水氣微却嫌猶障鷲

雨雲漸未大豁

瞻目望斜暉

早發魏家集赴古村口占

蔣光祖

路井乘朝發

魏家集屬路井地方

迤邐赴古村迷離煙樹匝層壘阜

崗吞雨足郊原潤風清民俗敦聯翩歡迎迓劇有古心存

泉池

龐震坤 州人

驛馬乘晴日相邀到野村當前過糜鹿在左有泉源綠藻
春先見枯楊枝未繁此中饒勝槩坐對欲黃昏

七言律

幸安樂公主山莊

唐岑羲 州人

銀榜重樓出霧開金輿步輦向天來泉聲迥入吹簫曲山
勢遙臨獻壽杯帝女含笑流飛電乾支動色象昭回誠願
北極拱堯日微臣抃舞詠康哉

立春日內出綵花樹

前人

和風助律應韶年清蹕乘高入望仙花笑鶯歌迎帝輦雲
披日霽俯皇川南山近壓仙樓上北斗平臨御展前一奉
恩榮同鎬宴空知率舞聽薰絃

送李司馬

唐岑參州人

柳彈鶯嬌花復殷紅亭綠酒送君還到來函谷愁中月歸
去磻溪夢裏山簾前春色應須惜世上浮名好是閒西望
鄉關腸欲斷對君衫袖淚痕斑

送李錄事兄歸襄鄧

唐劉長卿

十年多難與君同幾處移家逐轉蓬白首相逢征戰後青
春已過亂離中行人杳杳看西月歸馬蕭蕭向北風漢水

楚雲千萬里天涯此別恨無窮

左遷至藍關示姪孫湘

唐韓愈
州人

一封朝奏九重天夕貶潮陽路八千
欲爲聖明除弊事肯將衰朽惜殘年
雲橫秦嶺家何在雪擁藍關馬不前
知汝遠來應有意好收吾骨瘴江邊

次鄧州界

前人

潮陽南去倍長沙戀闕那堪又憶家
心訝愁來惟貯火眼知別後自添花
商岩暮雪逢人少鄧鄙春泥見驛賒
早晚玉師收海嶽普將雷雨發明芽

奉和庫部盧四兄曹長元日朝回

前人

天仗宵嚴建羽旄春雲之色曉雞號金爐香動螭頭暗玉
佩聲來雉尾高戎服上趨承北極儒冠列侍映東曹太平
時節身難遇郎署何須笑二毛

寄韓愈

唐賈島

此心曾與木蘭舟直到天南湖水頭隔嶺篇章來華岳出
關書信過瀧流峯懸驛路殘雲斷海浸城根老樹秋一夕
瘴烟風卷盡月明初上郡西樓

依韻酬太傅張相公見贈

宋范仲淹

鄧州

出處曾無致主功南陽爲守地猶雄醉醒往日慙漁父得
失今朝賀塞翁七里河邊歸帶月百花洲上嘯生風卧龍

鄉曲多賢達願預逍遙九老中

依韻荅王源叔憶百花洲見

前人

芳洲名冠古南都最惜塵埃一點無樓閣春深來海鷺池
塘人靜下仙鳧花情柳意憑誰問月彩波光豈易圖溪上
山公發新詠許昌何必詫申湖

申或作西

送王察推纘之鄧州

宋梅堯臣

昔向南陽憶洛陽秋橙初熟半林黃車過白水沙痕濶雁
落鉗盧稻穠長廢壘漢碑金刻字古原秦冢石爲羊太平
羽檄何曾有賓主相歡菊薦觴

鄧州

金元好問

鄧州城下湍水流鄧州城隅多古邱隆中布衣不復見浮
雲西北空悠悠長鯨駕空海波立老鶴叫月蒼烟愁自古
江山感遊子今人誰解賦登樓

過湍河

前人

悠悠人事眼中新悄悄孤懷百慮紛伎倆本宜閒處著姓
名誰遣世間聞秋江澹沱如素練沙浦空明行暮雲早晚
扁舟載烟雨移家來就野鷗羣

附明鐵公二女詩

按鐵公盡節後相傳有二女發教坊各賦一詩守志累年朝士爲奏

聞得遼士族事不見於正史詩亦有辨其贗者然忠烈禍慘於往代而貞女復惜其無傳附錄二詩亦足動千古之慨嘆云爾